



Broj: T18 0 KTO 0013484 21

Brčko: 13. oktobar 2021. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

O P T U Ž N I C U

Protiv:

1. **TURSUNOVIĆ HAJRUDINA** ... rođen ... 1987. godine u Brčkom ...
2. **REČICA ADNANA** ... rođen ... 1990. godine u Brčkom ...
3. **MUŠANOVIĆ EDINA** ... rođen ... 1985. godine u Brčkom ...
4. **MUŠANOVIĆ SEDINA** ... rođen ... 1986. godine u Brčkom ...
5. **AGUŠI ELDINA** ... rođen ... 1987. godine u Tuzli ...

Što su:

U vremenskom periodu od 2018. godine, u Brčkom, s ciljem ostvarenja finansijske koristi, Tursunović Hajrudin, svjestan da povezivanjem sa drugim licima organizuje grupu za organizovani kriminal, što je htio, a kojima je podijelio tačno određene zadatke izvršenja krivičnog djela Neovlaštena proizvodnja i stavljanje u promet opojnih droga iz člana 232. Krivičnog zakona Brčko distrikta BiH, i to nabavkom, prodajom, predajom, prevozom, držanjem i posredovanjem u kupoprodaji opojne droge "Cannabis Sativa L" koja je pod tačkom 13. na Listi opojnih droga u Tabeli I Zabranjene tvari i biljke proglašena opojnom drogom, amfetamina koji je pod rednim brojem 1. na Listi psihotropnih tvari u Tabeli II Tvari i biljke pod strogom kontrolom proglašen psihotropnom tvari, MDMA koji je pod tačkom 12. na Listi psihotropnih tvari u tabeli I Zabranjene tvari i biljke proglašen psihotropnom tvari, a čiji promet i držanje su zabranjeni članovima 4., 19. i 20. Zakona o sprečavanju i suzbijanju zloupotrebe opojnih droga BiH, pa je tako rukovodio tom grupom koja je na području Brčko distrikta BiH i Tuzlanskog kantona djelovala sve do kraja mjeseca aprila 2021. godine, kojoj su svjesno i sa namjerom prodaje opojnih droga, kao pripadnici, pristupili Rečica Adnan, Mušanović Sedin, Mušanović Edin, T. A., Š. A., B. A., M. S., Aguši Eldin i druga njima poznata lica, a koju grupu je Hajrudin ustrojio sa jasno postavljenom hijerarhijom gdje je on planirao i određivao način nabavke opojne droge koju je on dogovarao i držao pod strogim nadzorom na način da je određivao uvjete nabavke, njenu vrstu, količinu, vršio podjelu zadataka, određivao lica i vozila koja će vršiti prevoz opojne droge sa datom tačnom putanjom kretanja, i to tako što je on povremeno, ovisno od količine, svojim vozilom, učestvovao u predvođenju i nadzoru prijevoza opojne droge na područje Brčko distrikta i Gračanice, čime je nadzirao, kako kretanje lica i opojne droge čiji se prevoz vrši, tako istovremeno sprječavao policijsku pratnju i omogućavao nesmetan prevoz, dajući upute isključivo lično, dok se usmena i pismena komunikacija obavljala posredstvom aplikacije za razmjenu poruka i razgovornu komunikaciju "Signal" slanjem samouništavajućih pisanih poruka sa kratko postavljenim tajmerom uništenja, kao i aplikacije "Messenger", a gdje su dalje, lica koja je on odredio za prevoz i to Mušanović Edin, B.A., M.S., Aguši Eldin i njemu poznato lice, opojnu drogu prevozili, lica koja je on odredio za raspoređivanje, skrivanje i dalju predaju radi prodaje Rečica Adnan, Mušanović Sedin, M.S., B.A., Mušanović Edin i njemu poznato lice, opojnu drogu zapakovanu u PVC vreće crne boje, kao i hermetički zapakovane u PVC materijal,

raspoređivali po skrovitim mjestima pored putnih komunikacija obraslim visokim i niskim rastinjem, koje lokacije su pronalazili Tursunović Hajrudin i Rečica Adnan, te ih obilježavali kamenom, crnom pvc vrećom ili gomilom šuta kao znakom da se tu nalazi ostavljena opojna droga ili saobraćajnim znakom, a potom Š.A. i T.A., kao pripadnicima organizovane grupe lično navedena skrovišta tokom vožnje vozilom pokazivali, koji su dalje opojnu drogu preuzimali i prodavali na području Brčko distrikta, a novac od prodaje su predavali Hajrudinu ili licu koje on pošalje, na način da je on, bez najave, dolazio njihovim kućama sam ili je slao druga lica, ili su se po njegovom pozivu i na njegov zahtjev, kada je on htio, sastajali i novac od prodaje opojne droge njemu predavali, dok je istovremeno pripadnicima tako organizovane grupe, upućivao prijetnje lišenjem života ukoliko njega neko spomene policiji riječima "taj će biti upucan", ili tražio da se lica teško tjelesno ozlijede ukoliko su mu "dizali", bez njegovog znanja, opojnu drogu sa mjesta gdje je skrivena, ili nisu izvršavala predaju novca, pa su tako u okviru organizovane grupe, svi svjesni da zajedničkim djelovanjem, u okviru pravila ponašanja grupe za organizovani kriminal koja je Hajrudin odredio, čine krivično djelo Neovlaštena proizvodnja i stavljanje u promet opojnih droga iz člana 232. stav (1) Krivičnog zakona Brčko distrikta, a što su svi htjeli, pa su tako sve do 26. aprila 2021. godine u okviru takve organizacije prometovali sa ukupno najmanje 109 kilograma opojne droge kanabisa i amfetamina i 4.500 tableta MDMA tzv. Ecstasy, tako što su:

Tursunović Hajrudin, Mušanović Sedin i njima poznato lice,

1. Tokom 2018. godine, u Brčko distriktu BiH, svjesno i voljno, na prijedlog Tursunović Hajrudina Mušanović Sedin, pristupio grupi za organizirani kriminal koja se bavila prodajom opojne droge kanabis, te tako kao pripadnik, po uputama Tursunović Hajrudina, svjestan da je zabranjeno držanje radi prodaje supstanci koje su proglašene opojnom drogom, što je htio, u šumi pored lokalnog makadamskog puta Šatorovići – Vražići, za Tursunović Hajrudina, zajedno sa drugim, njima poznatim licem, opojnu drogu "Cannabis Sativu L" neto mase 826,60 grama, skrivao ukopan u šumsko zemljište i prekrivenu kamenom, a koja je u pakovanjima u 9 pvc paketa zajedno sa digitalnom vagom marke "First", te više komada pvc vrećica i folija namijenjenih za pakovanje opojne droge, pronađena dana 09. maja 2018. godine gdje je zatečen Mušanović Sedin kako iskopava pronađene predmete, dok je njima poznato lice, po uočavanju policijskih službenika, pobjeglo u nepoznatom pravcu,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, Rečica Adnan zajedno sa Š.A.,

2. Od mjeseca oktobra 2018. godine do mjeseca februara 2019. godine, u Brčkom, svjesno i voljno, na prijedlog organizatora Tursunović Hajrudina, Š.A. i Rečica Adnan pristupili grupi za organizirani kriminal koja se bavila prodajom opojnih droga kanabis i amfetamin, te tako kao pripadnici, po njegovim uputama instalirali aplikaciju za razmjenu poruka i razgovornu komunikaciju "Signal" koju su koristili za dogovaranje o sastajanju, preuzimanju i prodaji opojnih droga, pa su tako Tursunović Hajrudin ili Rečica Adnan, prije predaje opojne droge, u kasnim noćnim satima, A. pokazivali lokacije i to skrovišta obrasla travom i drugim rastinjem, van gradskog područja i izvan glavnih putnih komunikacija poput mjesta Boderište, Zovik, puta ka Vražićima, Repino brdo kod Šatorovića, mjesto Pukiš, pružni prijelaz u mjestu Ulović, pa nakon što mu je lice, poznato Tursunović Hajrudinu, po njegovom nalogu, opojnu drogu amfetamin u količinama oko 200 grama i Cannabis sativu L u količinama oko 100 grama, ostavljalo na pokazanom mjestu, koje je obilježavano crnim vrećama za smeće, A. je isti ili naredni dan opojne droge preuzimao i prodavao za Hajrudina, a za koji period je najmanje 30 puta preuzeo i prodao ukupno oko 9 kilograma opojne droge kanabis i amfetamin, za koju mu je lično predavao novac u uličnoj vrijednosti opojne droge, ukupno oko 96.000,00 KM, a koji dio opojne droge u količini od 41,342 neto grama kanabisa i 42,359 bruto grama amfetamina je pronađen prilikom pretresa porodične kuće Š. A. u Brčkom dana 08.februara 2019. godine,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena

proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, Rečica Adnan zajedno sa Š.A.,

3. U mjesecu januaru 2021. godine, u Brčkom, svjesno i voljno, Tursunović Hajrudin u namjeri sticanja protivpravne imovinske koristi prodajom opojne droge amfetamin, kao organizator, došao do Š. A., te mu ponudio da se uključi, kao član grupe za organizirani kriminal koju je sam organizirao, sa zadatkom da preuzme dio poslova oko čuvanja "štekanja" opojne droge na skrivenim mjestima i preuzimanja novca od kupaca, nakon čega ga je početkom mjeseca februara 2021. godine, po nalogu Tursunović Hajrudina, pronašao član organizovane grupe Rečica Adnan, koji je svjesno i voljno pristupio istoj, te u namjeri da A. ponude na prodaju opojnu drogu amfetamin, rekao mu "da ima pozdrave od Hajrudina" te da će ga on, u narednom periodu, kada dođe nova količina opojne droge, kontaktirati da se uključi u poslove prodaje opojnih droga, da bi se A. dana 04.marta 2021. godine sastao sa Rečica Adnanom, koji mu je ponudio da mu preda "nešto robe" kako bi počeo raditi i tako vratiti dug koji ima prema Tursunović Hajrudinu, da bi mu ponovno došao 13. marta i dao uputu da instalira aplikaciju Signal i predao svoj broj telefona, dok je za to vrijeme u vozilu sjedio Tursunović Hajrudin, a kada je A. unio broj telefona u instaliranu aplikaciju Signal, Rečica Adnan je na istoj bio registrovan kao Arkadaš, nakon čega su se sastali dana 15. marta kada mu je Rečica rekao da za 2.000,00 KM može od njih dobiti oko 400 grama amfetamina koji je "dobrog kvaliteta i da se miješati", te mu dao uputu da u taj "posao" uključi Mušanović Edina "Foftu", kako bi zajedno opojnu drogu za Hajrudina i Adnana prenosili i ostavljali na skrivenim mjestima, da bi mu dana 20. marta rekao da je amfetamin 5 KM po jednom gramu, a 25. marta od njega tražio da spremi novac za opojnu drogu i da će mu ista biti ostavljena na njemu poznatom mjestu u naselju Ulović, kod pruge, ispod prvog saobraćajnog znaka, da bi se Rečica odmah poslije sastao sa Hajrudinom, nakon čega mu je dana 29. marta putem aplikacije Signal poslao poruku "da ga čeka, da je spremno sve, da može ovaj stić izbacit", da bi se A. i Rečica sastali dana 30. marta 2021. godine kada mu je A. predao 2.000,00 KM, koji novac je Rečica uzeo, da bi se Rečica, u večernjim satima sastao sa Tursunović Hajrudinom, dok je A. rekao da se "priprema za mjesec Ramazan i da neće ništa raditi, samo postiti, a kad prođe da će ga kontaktirati",

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, Rečica Adnan zajedno sa H. E.

4. Od početka mjeseca januara 2020. godine pa sve do kraja mjeseca aprila 2021. godine, u Brčko distriktu BiH, svjesno i voljno, na prijedlog organizatora Tursunović Hajrudina, Rečica Adnan kao član grupe za organizirani kriminal koja se bavila prodajom opojne droge amfetamin, te po njegovim uputama, svjestan da je zabranjeno držanje radi prodaje i prodavanje supstanci koje su proglašene opojnom drogom, što je htio, za Tursunović Hajrudina, raspoređivao, skrivao, predavao radi prodaje i držao opojnu drogu, a koju je dijelom u količini oko 500 grama amfetamina držao skriveno pored prvog saobraćajnog znaka u mjestu Ulović, preko pružnog prelaza, koju je po prethodnoj komunikaciji sa H. E. putem aplikacije za razmjenu poruka i razgovornu komunikaciju "Signal" na kojoj je registrovan kao Arkadaš pod brojem telefona ..., dogovorio da proda istome, da bi H. po ostavljenu opojnu drogu otišao dana 21. aprila 2021. godine koju je i preuzeo,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnik grupe za organizirani kriminal počinio krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, M.S. zajedno sa B.A.

- 5.** Od mjeseca septembra 2018. godine pa sve do 03.septembra 2019. godine, u Brčkom i na području Majevica i Gračanice, svjesno i voljno, B.A., kao pripadnik pristupio grupi za organizirani kriminal koju je organizovao Tursunović Hajrudin, a u kojoj je kao pripadnik već djelovao M.S., koja grupa se bavila prodajom opojnih droga kanabis, amfetamin i MDMA, te su tako B.A. i M.S., po uputama Tursunović Hajrudina, preuzimali, prevozili, raspodjeljivali, ukopavali i skrivali opojne droge u većim količinama, te tako:

5a) u septembru mjesecu 2018. godine, B.A. i M.S., sa područja Brčkog odvezli se na područje Tuzle, Majevica, izlaz od mjesta Humci ka Jasenici, te preuzeli vreću crne boje u kojoj se nalazilo 6 kilograma opojne droge kanabis hermetički pakovano po 1 kilogram, 3 kilograma opojne droge amfetamin hermetički pakovano po jedan kilogram i 2.500 tableta zelene boje MDMA tzv. Ecstasy na kojima je bilo ispisano "Bentley", koje opojne droge su prevezli na udaljenost oko 1 kilometar od mjesta preuzimanja, a potom opojne droge ukopali u iskopane rupe dubine oko 50 cm, razmaka jedna od druge oko 50 metara, dok je S., u šumi, pored svakog drveta, u iskopanu rupu, ubacio po jedan kilogram amfetamina, dok su MDMA dovezli S. kući, u Brčko, a po koju supstancu je svojim vozilom došao Tursunović Hajrudin, a nakon čega je B.A. u narednom periodu, sa mjesta na kom su opojne droge prethodno ukopane, dovezao 2 kilograma opojne droge kanabis i ostavio ispod kamena kod pružnih šina u mjestu Lipovac, 2 kilograma kanabisa i dva kilograma amfetamina ostavio u prethodno iskopanu rupu na putu ka Fazaneriji, dok je preostala dva kilograma kanbisa i jedan kilogram amfetamina ostavio u rupu prije ulaza u Gračanicu, ispod drveta označenog drvenom tablom, dok su mu u pratnji bili M.S. kao tzv.čistač koji je trebao reagovati u slučaju nailaska policije i Tursunović Hajrudin koji je par vozila iza njega, svojim vozilom išao i nadzirao preuzimanje, sam prijevoz i izbacivanje opojne droge, a koja mjesta je B. prethodno obilazio i pripremao zajedno sa M.S., sve po uputama Tursunović Hajrudina,

5b) u aprilu mjesecu 2019. godine, B.A. zajedno sa M.S., sa područja Brčkog otišao na područje Tuzle, Majevica, i to tako što je M.S. svojim vozilom išao ispred B.A. i poslužio kao tzv.čistač koji je trebao reagovati u slučaju nailaska policije, a gdje su dolaskom na Majevicu preuzeli crnu vreću sa opojnom drogom koju su nedaleko od tog mjesta odnijeli do mjesta gdje je S. razgrnuo granje i kamenje, na tzv. glavni štek gdje je otvorio bure i stavio 8 kilograma opojne droge kanabisa pakovano po jedan kilogram, dok je 2 kilograma povezao B.A. i dovezao u dvorište svoje porodične kuće, a iz kojih paketa je S. uzeo po jedan uzorak, dok je preostalu opojnu drogu B. ostavio u bojler pored ostave koju je trebao, prema S. uputama, da čuva dok ne ode za prodaju, da bi S. nakon izvijesnog vremena došao i rekao da moraju ponovno da idu, da "gore kod bandere" ostave 6 kilograma kanabisa jer opojna droga nije dobre kvalitete, što su B. i M.S. i učinili, dok su iz bureta uzeli dva kilograma kanabisa dobrog kvaliteta i ostavili u šume kraj Barice, u rupu pored drveta na starom palanačkom putu u Brčkom, da bi B. poslije otišao i po preostala dva kilograma kanabisa koja je ostavio i prevezao, te sakrio u stari napušteni objekat Bimeks, koju opojnu drogu je poslije, po S. uputama, kroz tri dana odvezao i ostavio na Lipovac u Brčkom,

5c) u maju mjesecu 2019. godine, u Brčkom, M.S. je došao kući B.A. i rekao mu da amfetamin treba voziti u Gračanicu da se tamo pakuje i vrati za Brčko, a da on samo treba izbaciti opojnu drogu kod drveta gdje će je drugi ljudi preuzeti, nakon čega je B.A. otišao na područje Majevica gdje se skrivala opojna droga amfetamin i uzeo crnu vreću u kojoj se nalazilo 5 kilograma amfetamina pakovano po jedan kilogram, a koju je prevezao do Gračanice, za koje vrijeme su Tursunović Hajrudin i M.S. jedno vrijeme vozilom išli iza njega, te ga obišli kada je A. iz Srebrenika skrenuo prema Gračanici, a koju opojnu drogu je ostavio pored elektro stuba kako mu je i rečeno, da bi po zahtjevu M.S., nakon dva dana, na isto mjesto gdje je ostavio opojnu drogu, otišao u Gračanicu i preuzeo crnu vreću u kojoj se nalazilo 20 paklica po 50 grama hermetički upakovane opojne droge amfetamin koju je ostavio kod pruge ispod kamena u mjestu Lipovac, u Brčkom,

5d) u augustu mjesecu 2019. godine, B.A. i M.S., sa područja Brčkog otišli na područje Tuzle, Majevica i preuzeli vreću u kojoj se nalazilo 10 kilograma kanabisa koju su raspakovali i zakopali u 5 rupa po dva kilograma na udaljenosti oko 50 metara, između Jasenice i Humaca, a koja opojna

droga je pripadala Tursunović Hajrudinu, da bi u narednom periodu nepoznato lice sa tog mjesta, bez znanja Tursunović Hajrudina, uzelo 1 kilogram kanabisa, za što je Hajrudin smatrao odgovornim M.S., zbog čega su se M.S. i B.A. u mjesecu septembru 2019. godine "razdužili" opojnom drogom koju su vratili Tursunović Hajrudinu kada su voljno i prestali biti dio organizacije,

- 5e)** tokom 2019.godine, posredstvom aplikacije za razmjenu poruka i razgovornu komunikaciju "messenger" koju su koristili za dogovaranje o sastajanju, preuzimanju i prodaji opojnih droga, M. S. po nalogu Tursunović Hajrudina, prije predaje opojne droge, B.A. pokazivao lokacije i to skrovišta mjesta obrasla travom i drugim rastinjem, poput mjesta sa određenim saobraćajnim znacima i stubova za prenos električne energije gdje je on ili njemu poznata osoba koju Hajrudin zaduži, ostavljao opojnu drogu i B. izvještavao slanjem simbola eng. "Like" putem messenger-a kao znak da je opojna droga ostavljena, nakon čega je B. obilazio sva pokazana mjesta gdje je na jednom od njih i pronalazio ostavljenu opojnu drogu koju je preuzimao od čega je dana 03. septembra 2019. godine, u ulici Rogozan broj 55. u Brčko distriktu BiH, u prostorijama svoje kuće, držao tri pvc kese u kojima se nalazila opojna droga "Cannabis Sativa L" u ukupnoj količini od 29,045 grama, jedan pvc paket u kom se nalazila opojna droga "Cannabis Sativa L" u ukupnoj količini od 0,615 grama, 10 pvc paketa u kojima se nalazila opojna droga "Amfetamin", ukupne mase 10,142 grama, kao i digitalnu vagu sa oznakom „QC PASS“ na kojoj su pronađeni tragovi opojne droge "Cannabis Sativa L" i "Amfetamin",

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, Aguši Eldin i lice kodnog naziva "M.",

- 6.** Od početka 2019. godine sve do kraja januara 2021.godine, svjesno i voljno, na prijedlog organizatora Tursunović Hajrudina, kao članovi grupe za organizovani kriminal pristupili Aguši Eldin, lice M. i njima poznata lica, a koja grupa se bavila prodajom opojnih droga kanabis, amfetamin i MDMA koje opojne droge i psihotropne supstance je prema uputama Tursunović Hajrudina prevozio Aguši Eldin od Tuzle do Gračanice i Brčkog, koju je u vrećama izbacivao na određena šumovita područja obrasla travom i drugim rastinjem, van gradskog područja i izvan glavnih putnih komunikacija poput naselja Lohinja, naselja Vranovići, naselja Soljanuša, naselja Drafnići, a koju su dalje preuzimala lica poznata Tursunović Hajrudinu, opojne droge prevozili, prepakivali, vagali, stavljali u burad i ukopavali na mjesta koja im Hajrudin odredi, te prodavali licima koja Tursunović odredi i javi lokaciju na koju trebaju donijeti opojne droge, a u kom periodu su tako zajedno nabavili, prevezli, radi dalje prodaje držali skrivene i prodali oko 20 kilograma opojne droge kanabisa, oko 20 kilograma psihotropne tvari amfetamin i oko 1.000 tableta psihotropne tvari MDMA, dok su novac od prodane opojne droge predavali isključivo Tursunović Hajrudinu, od čega je Aguši Eldin u prostorijama svoje porodične kuće u ulici Vikaljska broj 57., Tuzla, neovlašteno držao 5 pvc većih pakovanja opojne droge amfetamin bruto mase 475,191 zapakovane u prozirne pvc vrećice, koje su bile zatvorene u staklenoj tegli, više prozirnih i bijelih pvc vrećica sa opojnom drogom amfetamin bruto mase 13,074 grama pronađeni skriveni u spremniku usisivača, dok su tragovi opojne droge amfetamin pronađeni i na zadnjem sjedištu vozila marke Hyundai registarskih oznaka K70M845 Aguši Eldina dana 26. aprila 2021.godine,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

7. Od jula mjeseca 2020. godine, u Brčkom, svjestan da se T.A. nalazi u teškom finansijskom stanju zbog novčanih dugovanja, s ciljem pribavljanja protivpravne imovinske koristi prodajom opojne droge "Cannabis Sativa L" i amfetamin, kao organizator grupe za organizovani kriminal, ponudio T.A. da za njega, na području Brčko distrikta BiH, vrši prodaju opojnih droga kada mu je odmah dao uputu da instalira aplikaciju Signal navodeći da će tako isključivo komunicirati, a na kojoj je Tursunović bio registrovan pod imenom "Hemuli", zatim jedno vrijeme "Patron", a potom ponovno "Hemuli", gdje je prvih deset mjeseci T., svjesno i voljno kao pripadnik tako organizovane grupe, prema dogovoru, prodavao opojnu drogu kanabis u količinama od 50 do 100 grama koju je preuzimao pored trafo stanice, na Lipovcu, a koja je bila zagrnuta zemljom i prekrivena suhim rastinjem, a koju je prodao u količini oko dva kilograma, te novac od prodaje opojne droge mjesečno predavao Tursunović Hajrudinu u količini od 1.100,00 do 1.400,00 KM, nakon čega mu je Tursunović Hajrudin predavao i opojnu drogu amfetamin koju je A. trebao, prema njegovim uputama, prodavati M.A., licu nadimka P. čime mu je htio "razraditi tržište", a koje prodaje su tekle na način da je Tursunović Hajrudin često mijenjao lokacije na kojima je ostavljao opojne droge, lično se sastajao sa A., te ga vožnjom u autu dovozio do mjesta gdje će mu opojna droga biti ostavljena, a u kom periodu je A., od jula 2020. godine pa sve do 26. aprila 2021. godine, preuzimao količine od 100 do 500 grama opojne droge amfetamin zašto mu je uvijek lično predavao novac, a za koji ukupan period mu je predao oko 70.000,00 KM, dok je prema uputama Tursunović Hajrudina jednom prevezao opojnu drogu sa područja Brčkog na područje Gračanice koja se nalazila u rezervnoj gumi sa felgom, a koju je izbacio iz vozila prije tunela na gračanačkom putu pored auto placa, a zašto je A. platio novcem od 300,00 KM, dok je istovremeno A. tako u cilju prodaje preuzete opojne droge od Tursunović Hajrudina:

7a) Dana 10. marta 2020. godine, oko 19,50 sati, u Brčkom, unutar ugostiteljskog objekta "P.", sastao se licem "M.", te mu rekao da on prodaje opojnu drogu "Cannabis Sativa L" po cijeni od 4.400,00 konvertibilnih maraka po jednom kilogramu, opojnu drogu "Amfetamin" po cijeni od 9,00 konvertibilnih maraka i "MDMA" po cijeni od 9,00 konvertibilnih maraka po jednom komadu, pri čemu je naglasio da je ozbiljan i oprezan u svom poslovanju, te tražio da ozbiljan bude i "M.", te pri daljem razgovoru rekao da može nabaviti i opojnu drogu "Cannabis Sativa L" lošijeg kvaliteta, čija cijena je 3.000,00 konvertibilnih maraka po jednom kilogramu, a potom licu imena "M." odmah na prodaju ponudio 200 grama opojne droge "Cannabis Sativa L" po cijeni od 1.100,00 konvertibilnih maraka i 50 grama "Amfetamina" po cijeni od 450,00 konvertibilnih maraka, ali da je potrebno da ode do "šteka" drugih lica i da preuzme drogu, nakon čega je otišao na njemu poznato mjesto, te se oko 22,05 sati na parking prostoru benzinske pumpe "Gasprom" u ulici Banjalučka, susreo sa licem imena "M." i predao mu prozirni pvc paket u kome se nalazila opojna droga "Cannabis Sativa L" bruto mase 100,23 grama, za koju opojnu drogu mu je lice imena "M." dao 200,00 eura i 50,00 konvertibilnih maraka, pri kom ponovnom susretu je rekao "M." da mu njegovi ljudi nisu mogli obezbjediti dogovorenu količinu jer nije najavio da će preuzeti robu, te ukoliko može sačekati pola sata da će mu nabaviti još 100 grama opojne droge "Cannabis Sativa L" lošijeg kvaliteta, što je "M." odbio, pri čemu mu je A. rekao da može nabaviti robu vrhunskog kvaliteta i da ukoliko bude želio kupovati i dalje, da ga prethodno kontaktira,

7b) Dana 25. maja 2020. godine, u Brčkom, svjestan i u namjeri da izvrši prodaju opojne droge, posredstvom telefonskog broja ... kontaktirao lice imena "M.", te mu na prodaju ponudio opojnu drogu "Cannabis Sativa L" po cijeni od 4,00 konvertibilne marke po jednom gramu, pri čemu mu je poslao i fotografiju na kojoj je prikazana opojna droga, zatim "Amfetamin" po cijeni od 10,00 konvertibilnih maraka po jednom gramu i "MDMA" po cijeni od 10,00 konvertibilnih maraka po jednom komadu, pri čemu je "M." rekao da je potrebno da mu javi dan ili dva ranije koju količinu želi, te da će mu sve pripremiti,

7c) U februaru mjesecu 2021. godine, u Brčkom, radi dalje prodaje, kod sebe držao opojnu drogu "Cannabis Sativa L" ukupne neto mase 0,701 grama koja je oduzeta dana 01. februara 2021. godine, opojnu drogu kanabis sativu L ukupne bruto mase 10,772 grama, psihotropnu supstancu

"amfetamin" ukupne bruto mase 15,361 grama, dok je u porodičnoj kući, u ulici Jakova Ignjatovića broj 20. u Brčkom, pronađena opojna droga "Cannabis Sativa L" neto mase 0,11 grama, a na skrovitim mjestima dvorišta kuće S. A., D. M. i nepoznatog lica, koja se nalaze u blizini njegove, T. je držao skriveno 13 pvc paketa opojne droge "Cannabis Sativa L", ukupne bruto mase 30,532 grama i 13 pvc paketa psihotropne supstance "Amfetamin", ukupne bruto mase 29,421 grama koja je pronađena i oduzeta dana 11. februara 2021. godine,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, Aguši Eldin i T. A.

8. Od početka mjeseca decembra 2020. godine pa sve do 26. aprila 2021. godine, u Brčkom, Tursunović Hajrudin kao organizator, a Aguši Eldin i T.A. kao pripadnici grupe za organizovani kriminal, svjesni i sa namjerom da vrše prodaju opojne droge "Cannabis Sativa L" i amfetamin, Tursunović Hajrudin je A. poslao link broja telefona Aguši Eldina broj ... koji je na aplikaciji Signal registrovan kao "Ali" sa kojim je A. trebao kontaktirati u vezi preuzimanja opojne droge na način da mu Aguši Eldin, kao prevoznik opojne droge, javi da je opojna droga stigla i da je ostavljena na dogovoreno mjesto, dok je prethodno, mjesto za skrivanje opojnih droga, mjesto Lipovac kod pruge, Tursunović lično pokazao i T.A. i Aguši Eldinu, kao prevozniku, a u kom periodu su, nakon prethodnog kontakta A. sa Agušijem, prevezli i preuzeli tri puta opojne droge i to dva puta po pola kilograma kanabisa i pola kilograma amfetamina koje je A. uzeo, dok je Aguši ostavljao još po pola kilograma obje vrste opojnih droga koje, prema uputi Tursunović Hajrudina, A. nije dirao, a ukoliko bi preuzeo više, Tursunović je zahtijevao da mu određene količine do 100 grama spakuje i ostavi na ulazu u naselje Grbavica pored elektro stuba koja je bila obilježena strelicom, a koju mu je Hajrudin prethodno pokazao,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, Rečica Adnan, Mušanović Edin "Fofta"

9. U periodu od septembra 2019. godine do kraja aprila 2021. godine, u Brčkom, svjesno i voljno, na prijedlog Tursunović Hajrudina, Mušanović Edin zvani Fofta pristupio grupi za organizirani kriminal koja se bavila prodajom opojnih droga kanabis, amfetamin i "MDMA" tzv "Ecstasy", svjestan i u namjeri da vrši prevoz i prodaju opojne droge na području Brčko distrikta BiH, po instrukcijama Tursunović Hajrudina, sa njima poznate lokacije sa područja Gračanice na područje Distrikta dovozio opojnu drogu kanabis, amfetamin i MDMA, te skrivao na njima poznate lokacije, pa je tako u navedenom periodu u Brčko dovezao oko 8 kilograma opojne droge "Cannabis Sativa L", oko 2,5 kilograma "Amfetamina" i oko 1.000 komada tableta "Ecstasy", koju opojnu drogu je skrio na mjesto koje je Hajrudin odredio, te po instrukciji Tursunovića i Rečica Adnana, predavao određenim kupcima po njihovom zahtjevu, te i sam, za njemu poznat novčani iznos prodavao opojnu drogu Š.E. u dva navrata tako što mu je prodao oko 100 grama opojne droge kanabis za što mu je E. unaprijed dao novac, dok je njemu Edin jednom lično donio 50 grama kanabisa, a drugi put opojnu drogu ostavio u kanalu pokrivenom granjem u Begovači, prema mjestu Vranovača, a koji novac od prodaje je Mušanović predavao Tursunović Hajrudinu i Rečica Adnanu,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena

proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, lice kodnog naziva M. i NN lice

10. Od početka mjeseca januara 2021. godine, svjesno i voljno, Tursunović Hajrudin u namjeri sticanja protivpravne imovinske koristi prodajom opojne droge amfetamin, kao organizator, angažovao njemu poznato lice da izvrši prevoz opojne droge iz Brčkog na područje Gračanice kako bi je preuzelo lice M., kom je prethodno ponudio da za njega vrši prodaju opojne droge, pa je tako dana 25. januara 2021. godine, njemu poznato lice, kao vozač, po nalogu Tursunović Hajrudina, izvršilo prevoz i ostavio jedno pvc pakovanje bruto mase 527 grama opojne droge amfetamin u mjestu Lohinja, pored stabla, prekriveno lišćem, nakon čega je Tursunović licu M., putem aplikacije za razmjenu poruka i razgovornu komunikaciju "Signal" na kojoj je registovan kao Hemuli pod brojem ... poslao poruku "Sellam poloka ti je ostavljena na starom mjestu pa pokupi" a koju je M. preuzeo i predao policijskim službenicima MUP-a TK, nakon čega je Tursunović, dana 30. januara 2021. godine porodičnoj kući lica M., bez najave, poslao lice koje je po njegovom nalogu vršilo preuzimanje novca od prodaje opojnih droga, pa je tako izvjesni "A.Č." došao po novac, koji mu je u iznosu od 2.000,00 KM M. predao, nakon čega je Tursunović od M. tražio i ostatak novca navodeći da ne prave problem i da "pare" spremi, nakon čega je dana 11. februara 2021. godine ispred pekare "Magistrala" u Srebreniku, Tursunović zajedno sa njemu dva poznata lica došao po M. koji mu je predao novac u iznosu od 1.700,00 KM, te M. rekao da ima opojne droge koja je smeće živo, te da na njoj ne bi mogli proći nikako, kao i da će mu se javiti za dalje poslove,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, lice kodnog naziva M. i NN lice

11. U mjesecu februaru, martu i aprilu 2021. godine, svjesno i voljno, Tursunović Hajrudin u namjeri sticanja protivpravne imovinske koristi prodajom opojne droge amfetamin, kao organizator grupe, više puta, iz Brčkog, putem aplikacije za razmjenu poruka i razgovornu komunikaciju "Signal" na kojoj je registovan kao Hemuli pod brojem sa licem M. dogovarao predaju i prodaju opojne droge i tražio da ga M. čeka, pa mu tako dana 22. aprila 2021. godine, ponudio da pošalje tri kilograma amfetamina po cijeni od 22.500 KM i jedan kilogram kanabisa po cijeni od 10.000,00 KM, gdje bi mu lice M. moralo sutradan predati 15.000,00 KM, pa je tako Tursunović, dana 25. aprila 2021. godine, posredstvom njemu poznatog lica, kao vozača, poslao tri paketa opojne droge amfetamin, koje je ovaj, prema uputama Tursunovića, ostavio od skretanja prema naselju Lohinje, Gračanica, poslije prvog elektro stuba, koje mjesto je označio bocom od Pan piva od dva litra, o čemu je izvijestio lice M. slanjem SMS poruke putem aplikacije Signal, a koju opojnu drogu je M. preuzeo u ukupnoj količini od 2 kilograma i 983 grama bruto mase i predao policijskim službenicima MUP-a TK, dok je dana 26. aprila 2021. godine Tursunović od M. preuzeo novac za opojnu drogu u iznosu od 15.000,00 KM sa kojim je zatečen prilikom pretresa,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnici grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, sam

12. Dana 05. decembra 2017. godine, u Brčko distriktu BiH, svjestan da je zabranjeno prodavati opojnu drogu, a što je htio, kako bi za sebe pribavio protivpravnu imovinsku korist prodajom veće količine opojne droge kokain, koju je S. prethodno ponudio na prodaju licima "I." i "G.", stupio u kontakt sa H. S. i sastao se s njim u blizini tržnog centra "Belamionix", gdje su se dogovorili da Hajrudin donese uzorak opojne droge "Kokain", nakon čega je otišao na njemu poznato mjesto, te po proteku kraćeg vremena, u gradskom naselju "Begovača" ponovno se susreo sa S. i predao mu jedan pvc paket u kom se nalazila opojna droga "Kokain" u količini od 0,235 grama za koju opojnu drogu mu je S. dao 20,00 eura, a koja droga je pod rednim brojem 52. u Tabeli II Tvari i biljke pod strogom kontrolom proglašena opojnom drogom, a čiji promet i držanje je zabranjen članom 4. i 20. Zakona o sprečavanju i suzbijanju zloupotrebe opojnih droga BiH, nakon čega je S. opojnu drogu prodao licu imena "I." za novčani iznos od 50,00 eura,

dakle, neovlašteno prodavao, radi prodaje držao i prenosio supstancu propisom proglašenu opojnom drogom,

Tursunović Hajrudin, sam

13. Dana 05.jula 2018. godine, u Brčkom, svjestan da je zabranjeno nabavljati i izrađivati opremu namijenjenu proizvodnji opojnih droga, a što je htio, u prostorijama ostave svoje porodične kuće, u ulici .. broj 43., neovlašteno izradio mini laboratoriju crne boje veličine 40x40x125 cm, obloženu aluminijskom folijom sa UV lampom, termostatom i ventilacionim sistemom, namijenjenu proizvodnji opojne droge cannabis sativa L koja je pod tačkom 13. na Listi opojnih droga u Tabeli I Zabranjene tvari i biljke proglašena opojnom drogom,

dakle, neovlašteno nabavio i izradio opremu i materijal za koji zna da je namijenjen proizvodnji opojnih droga,

Tursunović Hajrudin, sam

14. Dana 26. aprila 2021. godine, u Brčkom, u ulici R.Dž.Čauševića broj 51., Brčko, unutar stana vlasništvo P.M. kog je iznajmio i povremeno koristio sa N.M., iako svjestan da ne posjeduje odgovarajuće isprave o oružju, kao i da je građanima zabranjeno nabavljanje, držanje i nošenje oružja kategorije "B", sa namjerom, bez odobrenja nadležnih organa Brčko distrikta BiH, nabavio i držao jedan pištolj marke "Crvena zastava" call. 9 mm fabričkog broja 75011 sa pripadajućim okvirom bez municije, a što je protivno članu 7. stav (3) Zakona o oružju i municiji Brčko distrikta BiH,

dakle, bez važeće isprave o oružju nabavio i držao oružje kategorije „B“,

Tursunović Hajrudin, sam

15. Tokom 2016. i 2017. godine, u Brčkom, svjesno i voljno, u namjeri sticanja protivpravne imovinske koristi prodajom opojne droge cannabis koja je pod tačkom 13. na Listi opojnih droga u Tabeli I Zabranjene tvari i biljke proglašena opojnom drogom, a čiji promet i držanje su zabranjeni članovima 4. i 19. Zakona o sprečavanju i suzbijanju zloupotrebe opojnih droga BiH, sa H.E. više puta dogovarao isporuku opojne droge u količinama od 20, 50 i 100 grama za što mu je E. prethodno predavao novac, dok bi Tursunović opojnu drogu, sam ili posredstvom njemu poznatog lica, ostavljao na zabačenim i teško pristupačnim mjestima, a koju lokaciju mu je javljao, dok je E. išao i svaki put preuzimao opojnu drogu,

dakle, neovlašteno prodavao i radi prodaje držao i prenosio supstance proglašene opojnom drogom,

Tursunović Hajrudin zajedno sa F.J.

16. Tokom 2018. i 2019. godine, u Brčkom, svjesno i voljno, u namjeri sticanja protivpravne imovinske koristi prodajom opojne droge kanabis koji je pod tačkom 13. na Listi opojnih droga u Tabeli I Zabranjene tvari i biljke proglašena opojnom drogom, a čiji promet i držanje su zabranjeni članovima 4. i 19. Zakona o sprečavanju i suzbijanju zloupotrebe opojnih droga BiH, F. J., koji je obavljao određene poslove na plastenicima koje vodi njegova porodica, nudio da kupuje opojnu drogu kanabis, na što je J., kao konzument opojne droge pristao, pa su se tako posredstvom aplikacije "Signal" dogovarali o količini opojne droge, nakon čega je Tursunović lično vodio J. i pokazivao mu mjesta na kojima će biti ostavljena opojna droga i to blizu mjesta Šatorovići, pored table, znaka ili izdvojene količine otpadnog materijala, dok je F.J., sam lično, svjesno i voljno, u dogovoru sa Tursunović Hajrudinom, sa skrivenih mjesta na koja mu je Hajrudin ukazivao, opojnu drogu kanabis koja je bila upakovana u crnim vrećama i oblijepljena selotep trakom u količini od 100 grama, prema instrukciji Tursunovića, preuzimao i predavao D.Ž.S., kao i drugim licima, a koju opojnu drogu je ponekad, prema uputama Hajrudina, u gramaži od 50 do 400 grama, preuzimao i ostavljao na mjesta koja mu Hajrudin pokaže, a za što je J. ponekad bio plaćen novcem, a nekada je od Hajrudina dobijao opojnu drogu,

dakle, neovlašteno prodavao, nudio na prodaju, radi prodaje držao, prenosio i na drugi način neovlašteno stavlja u promet supstance proglašene opojnom drogom,

Rečica Adnan, sam

17. Tokom 2015. i 2016. godine, u Brčkom, svjesno i voljno, u namjeri sticanja protivpravne imovinske koristi prodajom opojne droge kanabis koji je pod tačkom 13. na Listi opojnih droga u Tabeli I Zabranjene tvari i biljke proglašena opojnom drogom, a čiji promet i držanje su zabranjeni članovima 4. i 19. Zakona o sprečavanju i suzbijanju zloupotrebe opojnih droga BiH, došao do porodične kuće Z.M., u mjestu Gornji Rahić i ponudio mu da od njega kupuje opojnu drogu kanabis, na što je M., kao konzument opojne droge pristao, pa su se dogovorili o mjestu, lokaciji i vremenu kada će M. ostaviti novac, dok je njemu Rečica Adnan, opojnu drogu ostavljao u Berkovcu, Gornji Rahić, pored rijeke, šumarku iza Čoseta, kod stadiona Maoča, brdu Cer u Gornjem Rahiću, dijelu makadamskog puta prema Donjoj Brci i to u količinama od 8 do 50 grama po cijeni od 13 KM po jednom gramu, a koja opojna droga je bila pakovana u PVC vrećice vakumski zatvorene patentom, a koje lokacije je Adnan povremeno mijenjao tako što je M. ostavljao poruku okvirno mjesta gdje će se opojna droga nalaziti, koje mjesto je obilježavao vrećicom, krpom ili bočicom okačenom o granu drveta, dok se opojna droga nalazila zakopana odmah ispod toga, a za koje vrijeme je na taj način kupio najmanje par kilograma opojne droge,

dakle, neovlašteno prodavao, nudio na prodaju, radi prodaje držao, prenosio i na drugi način neovlašteno stavlja u promet supstance proglašene opojnom drogom,

Tursunović Hajrudin, Rečica Adnan

18. U periodu od 2017. godine do septembra 2019. godine, u Brčkom, u namjeri sticanja protivpravne imovinske koristi prodajom, svjesni da je promet i držanje kanabisa zabranjen, a što su htjeli, opojnu drogu cannabis sativu L koja je pod tačkom 13. na Listi opojnih droga u Tabeli I Zabranjene tvari i biljke proglašena opojnom drogom, čiji promet i držanje je zabranjen članovima 4. i 19. Zakona o sprečavanju i suzbijanju zloupotrebe opojnih droga BiH, Rečica Adnan zajedno sa Tursunović Hajrudinom, zaustavio Z.M. te mu ponudili da nastavi kupovati opojnu drogu kanabis od Tursunović Hajrudina jer Adnan ide na izdržavanje kazne zatvora, a koja prodaja, preuzimanje opojne droge i predaja novca bi se odvijala na isti način kao sa Rečica Adnanom, na što je M. pristao, a u kom periodu je od Hajrudina kupio najmanje 5 kilograma opojne droge kanabis, koja prodaja se odvijala sve do mjeseca oktobra 2018. godine, kada se prekinula do mjeseca marta 2019. godine, da bi od tog datuma, Z. nastavio kupovati opojnu drogu od Tursunović Hajrudina po cijeni od 5 KM po jednom gramu sve do mjeseca septembra 2019. godine,

dakle, kao saizvršioци neovlašteno nudili na prodaju, prodavao, radi prodaje držao, prenosio i na drugi način neovlašteno stavljao u promet supstance proglašene opojnom drogom,

Tursunović Hajrudin, Rečica Adnan sa dva NN lica

19. Krajem 2019. godine, u Gornjem Rahiću, Brčko distrikt BiH, nakon što je Z.M., svojom voljom prestao kupovati opojnu drogu od Tursunović Hajrudina i Rečica Adnana, svjesni i s ciljem pribavljanja protivpravne imovinske koristi, Tursunović Hajrudin kao organizator grupe za organizovani kriminal, a Rečica Adnan i druga dva nepoznata lica kao članovi iste grupe, u toku noći, zajedno, skrivenih lica sa improvizovanim kapama na glavi tzv. fantomkama, osim Tursunović Hajrudina koji se nije skrivao, došli do M. kuće u koju su ušli svi osim Tursunović Hajrudina, gdje su Rečica Adnan i drugo nepoznato lice fizičkom silom držali M., dok ga je treće, nepoznato lice, fizičkom primjenom sile udaralo u predjelu glave i tijela, te mu zajedno uputili ozbiljne prijetnje tražeći od njega da vrati dug za navodno preuzimanje opojne droge kanabis u količini od 50 grama vrijednosti oko 600,00 KM, a koju M. nije uzeo, dok su oni umjesto 600,00 KM tražili da vrati 5.000,00 KM, nakon čega je u kuću ušao i Tursunović Hajrudin i M. uputio ozbiljnu prijetnju da ga ne čeka da ponovno dođe, nego da mu počne donositi pare, u suprotnom proći će puno gore, nakon čega je Rečici i drugoj dvojici nepoznatih lica naredio da ga udare još dva puta i izašao iz kuće, nakon čega su mu oni zadali još par udaraca, zaprijetili da ne smije zvati policiju i izašli iz kuće,

dakle, u sastavu grupe za organizirani kriminal, s ciljem pribavljanja protivpravne imovinske koristi, silom i ozbiljnom prijetnjom pokušali prisiliti drugoga da što učini na štetu svoje imovine,

Tursunović Hajrudin, Rečica Adnan

20. U oktobru mjesecu 2020. godine, svjesni i u namjeri da za prodaju opojne droge "Cannabis Sativa L" i amfetamin, Tursunović Hajrudin kao organizator i Rečica Adnan kao pripadnik grupe za organizovani kriminal, angažuju T. M. kao novog člana grupe za organizovani kriminal, koje opojne droge bi M., kao pripadnik iste, na području Gračanice za njih prodavao, Tursunović Hajrudin je putem društvene mreže facebook poslao M. poruku da se javi, te ga u mjestu Gračanica zajedno sa Rečica Adnanom sačekao u vozilu marke Audi u koje je M. sjeo, gdje ga je pitao "Šta se radi po Gračanici", te rekao da on ima "trave" po cijeni od 8 KM po gramu, da će "speeda" imati kasnije, nakon čega su ga odvezli na lokaciju "Bukva" gdje mu je Tursunović pokazao elektro stub i rekao da će mu tu ostaviti 50 grama "trave", koju je i ostavio što mu je javio, dok M. po opojnu drogu nije otišao, da bi mu Tursunović, više puta, slao poruke da ima nešto specijalno za njega, a kada ga je M. blokirao, Adnan i Hajrudin su u mjesecu martu 2021. godine, došli k njemu na posao u Gračanicu, tražili da izađe, pa kada je M. izašao, Adnan ga je upitao zašto se ne javlja, da ima nešto specijalno za njega i da će on navratiti za par dana ponovno,

dakle, organizirao i rukovodio grupom za organizirani kriminal koja je zajedničkim djelovanjem počinila krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH i kao pripadnik grupe za organizirani kriminal počinili krivično djelo Neovlaštena proizvodnja i stavljanje u promet opojnih droga iz člana 232. propisano zakonom u Brčko distriktu BiH za koje se može izreći kazna zatvora u tri godine ili teža,

Tursunović Hajrudin, sam

21. U mjesecu junu 2019. godine, u Brčkom, svjestan i sa namjerom držanja, prevoza, skrivanja i dalje prodaje opojne droge amfetamin koji je pod rednim brojem 1. na Listi psihotropnih tvari u Tabeli II Tvari i biljke pod strogom kontrolom, proglašen psihotropnom tvari, a čiji promet i držanje su zabranjeni članovima 4. i 20. Zakona o sprečavanju i suzbijanju zloupotrebe opojnih droga BiH, od Lj. A. tražio da isto veče za njega preuzme paket koji će biti u crnoj vreći i ostavljen u kanalu na Palanačkom putu, koji treba prevesti, sakriti i čuvati dok neko, koga će Hajrudin poslati, ne dođe po taj paket, iako svjestan da se radi o opojnoj drogi i da time A. čini krivično djelo neovlaštene proizvodnje i stavljanje u promet

opojnih droga, što je htio, a na što je A. pristao, te je navečer, oko 20 sati, A. otišao na mjesto na koje mu je ukazao Tursunović i pokupio crnu vreću u kojoj se nalazilo 16 PVC paketa u količini oko 50 grama opojne droge amfetamin, vakumski pakovano u pvc folije ukupne količine oko 800 grama, koje je za Hajrudina, prevezao i skrio tako što ih je zakopao na parceli svoje majke u mjestu Brka,

dakle, neovlašteno radi prodaje prevezao i držao supstance propisom proglašene opojnim drogama i drugog sa umišljajem podstrekao na izvršenje krivičnog djela,

Mušanović Sedin, zajedno sa H.S. i M.S.

22. Nakon što je Lj.A. u mjesecu junu 2019. godine, po zahtjevu Tursunović Hajrudina, na parceli svoje majke u mjestu Brka b.b., zakopao 16 PVC paketa u količini oko 50 grama opojne droge amfetamin, vakumski pakovano u pvc folije, odmah sutradan, s ciljem da Lj.A. prisile da im oda gdje se nalazi opojna droga koju je A. skrio za Tursunović Hajrudina, zajedno i po prethodnom dogovoru oko 22,30 sata došli pred kuću Lj. u ulici ... 38F, Brčko, putničkim vozilom marke Mercedes, pozvali ga da porazgovaraju, pa kada je A. izašao van, svjesni da svojom radnjom A. protivpravno oduzimaju slobodu kretanja, što su htjeli, primjenom fizičke sile ga ugurali na zadnje sjedište vozila gdje je s njim sjeo M.S., dok je Sedin upravljao vozilom, a H.S. sjedio na mjestu suvozača, te ga odvezli prema šumama u mjesto Vranovača pored kapele, izveli van, gdje su ga ispitivali, pa su tako, s ciljem pribavljanja protivpravne imovinske koristi oduzimanjem opojne droge amfetamin u količini oko 800 grama, A. ozbiljno prijetili da će ga baciti u bunar ukoliko ne kaže gdje se nalazi paket koji je prethodnu noć pokupio, gdje su ga tako izvjesni period fizički udarali i gurali prema bunaru da ga bace, a za koje vrijeme su dijelove svog postupanja snimali mobilnim telefonom, nakon čega ih je A., usljed bojazni za vlastiti život, odveo do mjesta Brka gdje se nalazila zakopana opojna droga amfetamin, koju je po njihovom zahtjevu iskopao, poredao i prebrojao, a dok je to radio, S. je prijeteći, povišenim i grubim glasom, zahtijevao da A. naglas i jasno kaže da je "roba Tursunović Hajrudina Hajrića", a koju opojnu drogu amfetamin u količini od oko 800 grama su oduzeli i odnijeli sa sobom, čime su za sebe pribavili protivpravnu imovinsku korist u uličnoj prodajnoj vrijednosti opojne droge oko 16.000,00 KM,

dakle, drugom protivpravno oduzeli i ograničili slobodu kretanja s ciljem da ga prisile da što učini, te radi ostvarivanja tog cilja prijetili da će oteto lice lišiti života ili da će ga teško tjelesno povrijediti, a djelo je učinjeno u sastavu grupe ljudi, te u sastavu grupe, s ciljem pribavljanja protivpravne imovinske koristi, silom i ozbiljnom prijetnjom prisilili drugoga da što učini na štetu tuđe imovine,

Tursunović Hajrudin zajedno sa H.S.

23. U oktobru mjesecu 2019.godine, u Brčkom, svjesni i s ciljem pribavljanja protivpravne imovinske koristi, a sve po zahtjevu Tursunović Hajrudina koji je svjesno i sa namjerom da iznudi novac od opojne droge koju su Lj.A. protivpravno oduzeli H.S., Mušanović Sedin i M.S., smatrajući njega odgovornim, porodičnoj kući Lj. A. u ulici Zaima Mušanovića, poslao H.S. koji je A. uputio ozbiljnu prijetnju rekavši da "Hajrić traži pare za svoju robu i to 6.000,00 KM, a kako se on nije sjetio da pare donese sam, da je sad dužan 8.000,00 KM" pa kada je A. rekao da nema taj novac, S. je tražio da Hajrudinu preda u vlasništvo zemljišnu parcelu u Brci, nakon čega je A. kontaktirao i sam Tursunović Hajrudin i tražio da mu vrati robu, zbog čega je A., usljed straha i ozbiljne prijetnje H.S. da će ga ponovno kidnapovati, prijetiti i zlostavljati, te bojazni da ga Tursunović Hajrudin neće fizički istući, napustio BiH, a kada se vratio nazad, S. ga je počeo tražiti i ozbiljno prijetiti "da će ga ubiti ljudi, da preda novac ili plac", nakon čega je A., iz straha za vlastiti život i sigurnost svoje porodice, navedenu zemljišnu parcelu, kod notarke D.J., prepisao na ime Tursunović V., majke Tursunović Hajrudina, o čemu je sačinjen Ugovor o kupoprodaji od 30. oktobra 2019. godine,

dakle, s ciljem pribavljanja protivpravne imovinske koristi, ozbiljnom prijetnjom prisilili drugoga da što učini na štetu svoje imovine,

Tursunović Hajrudin, sam

24. U julu mjesecu 2019. godine, u Brčkom, svjestan da se T.A. nalazi u teškom financijskom stanju zbog novčanih dugovanja, pozvao ga da se sastanu ispred džamije u naselju Klanac, pa kada je A. došao,

on mu je ponudio da za njega obavlja određene poslove na plateniku, da bi mu ubrzo rekao kako ima za njega poslovni prijedlog i to "da li je spreman da izranjava S.E." zašto bi ga nagradio sa pola kilograma "trave" i pola kilograma "speeda" iako svjestan da time podstrekava T.A. na počinjenje teškog krivičnog djela, što je i htio, nakon čega mu je, kako bi A. odobrovoljio i ohrabrio da učini traženo, istome rekao da mu može dati heroina ili kokaina da bi se ohrabrio u poslu, a potom A. dao jasnu instrukciju gdje da sačeka S. E., gdje se E. kreće i koje vozilo vozi, te mu predao pištolj crne boje 7,62 mm i tri grama kokaina, koje je A. preuzeo, pa kada je "povukao" gram kokaina, T. je Hajrudinu rekao da nema hrabrosti to da učini, te mu vratio i pištolj i ostatak opojne droge kokain,

dakle, drugoga s umišljajem podstrekao na učinjenje krivičnog djela za koje se može izreći kazna zatvora tri godine ili teža, a krivično djelo nije bilo ni pokušano,

čime su:

Tursunović Hajrudin

kao organizator radnjama opisanim pod tačkama od 1., 2., 3., 4., 5 (5a), 5), 5c), 5d) i 5e)), 6., 7 (7a), 7b), 7c)), 8., 9., 10., 11, 20, počinio krivično djelo – Organizirani kriminal – iz člana 336. stav (3) u vezi sa produženim krivičnim djelom –Neovlaštena proizvodnja i stavljanje u promet opojnih droga– iz člana 232. stav (1) Krivičnog zakona Brčko distrikta BiH;

radnjama opisanim pod tačkama 12., 15., 16., 18. i 21. produženo krivično djelo – Neovlaštena proizvodnja i stavljanje u promet opojnih droga – iz člana 232. stav (1) u vezi sa članom 31. i 55. Krivičnog zakona Brčko distrikta BiH;

radnjom opisanom pod tačkom 13. počinio krivično djelo – Neovlaštena proizvodnja i stavljanje u promet opojnih droga – iz člana 232. stav (3) Krivičnog zakona Brčko distrikta BiH;

radnjom opisanom pod tačkom 14. počinio krivično djelo – Neovlaštena nabavka, držanje ili prodaja oružja ili bitnih dijelova za oružje – iz člana 65. Zakona o oružju i municiji Brčko distrikta BiH;

radnjom opisanom pod tačkom 19. počinio krivično djelo – Iznuda – iz člana 289. stav (2) u vezi sa stavom (1) a sve u vezi sa članom 28. Krivičnog zakona Brčko distrikta BiH;

radnjom opisanom pod tačkom 23. počinio krivično djelo – Iznuda – iz člana 289. stav (1) Krivičnog zakona Brčko distrikta BiH i

radnjom opisanom pod tačkom 24. počinio krivično djelo – Teška tjelesna povreda – u podstrekavanju iz člana 169. u vezi sa članom 32. Krivičnog zakona Brčko distrikta BiH;

Rečica Adnan

radnjama opisanim pod tačkama 2., 3., 4., 9. i 20. počinio krivično djelo – Organizirani kriminal – iz člana 336. stav (2) u vezi sa produženim krivičnim djelom – Neovlaštena proizvodnja i stavljanje u promet opojnih droga – iz člana 232. stav (1) Krivičnog zakona Brčko distrikta BiH;

radnjama opisanim pod tačkama 17. i 18. počinio produženo krivično djelo – Neovlaštena proizvodnja i stavljanje u promet opojnih droga – iz člana 232. stav (1) u vezi sa članom 31. i 55. Krivičnog zakona Brčko distrikta BiH;

radnjom opisanom pod tačkom 19. počinio krivično djelo – Iznuda – iz člana 289. stav (2) u vezi sa stavom (1) a sve u vezi sa članom 28. Krivičnog zakona Brčko distrikta BiH;

Mušanović Edin

radnjom opisanom pod tačkom 9. počinio krivično djelo – Organizirani kriminal – iz člana 336. stav (2) u vezi sa produženim krivičnim djelom – Neovlaštena proizvodnja i stavljanje u promet opojnih droga – iz člana 232. stav (1) Krivičnog zakona Brčko distrikta BiH,

Mušanović Sedin

radnjom opisanom pod tačkom 1. počinio krivično djelo – Organizirani kriminal – iz člana 336. stav (2) u vezi sa produženim krivičnim djelom – Neovlaštena proizvodnja i stavljanje u promet opojnih droga – iz člana 232. stav (1) Krivičnog zakona Brčko distrikta BiH,

radnjom opisanom pod tačkom 22. počinio krivično djelo – Otmica– iz člana 177. stav (2) Krivičnog zakona Brčko distrikta BiH u sticaju sa krivičnim djelom –Iznuda– iz člana 289. stav (2) Krivičnog zakona Brčko distrikta BiH a sve u vezi sa članom 54. Krivičnog zakona Brčko distrikta BiH;

Aguši Eldin

radnjama opisanim pod tačkama 6. i 8. počinio krivično djelo – Organizirani kriminal – iz člana 336. stav (2) u vezi sa produženim krivičnim djelom – Neovlaštena proizvodnja i stavljanje u promet opojnih droga – iz člana 232. stav (1) Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
